

Ի դուր չէ որ հայ ժամանակակից պատմագիրը արարական քաղաքականութիւնը բնորոշելու համար յիշում է Ոլիմպիանի առակը «Վասն առիւծուն եւ զուարակացն» (Թ. Արծրունի, էջ 137), ուր առիւծը, ինչպէս յայտնի է, բաժանում է միմեանցից երեք զուարակներին, որպէսզի յետոյ մէկ մէկ լայիել կարողանայ դիւրութեամբ: Ամէն պարագային փաստ է, որ Սպերը կայսեր շնորհիւ, իսկ Տարօնն ու Վասպուրական խալիֆի ջանքերով մեկուսացան Հայաստանից:

Ամորիայի արչաւանքը զբոսել էր երկու կողմերն էլ եւ պատերազմը նորէն բռնկելու էր եթէ կայսրը եւ խալիֆը չմեռնէին զբեթէ միաժամանակ 842 թուին:

Մուտասիմի որդին Վաղիկը (842-847) թոյլ քան խաղաղասէր էր: Հազիւ կարողացաւ յարգարել պատերազմից մնացած հաշիւները:

Արարական մատենագիրների ասելով, Վաղիկի օրով խլրտումները նորէն ծայր աւելին Հայաստանում, եւ զլուխ բարձրացրին հայ իշխանները եւ մարար բռնաւորները:

Գօտէն յայտնի չէ յուզումների էութիւնը: Գիտենք որ խաղաղութիւնը վերականգնելու եկան ոստիկանական պաշտօնով Շայրանի՝ Սայրիկ եւ յետոյ Մուհամմետ, հայր եւ որդի: Հայրը մեռաւ, Ասողիկի տեղեկութեամբ, Ջաւախքի Սոզաբիբ գելուում: Իսկ որդու մասին Կաղանկատուացին պատմում է որ ասպատակեց Սիւնեաց աշխարհը, աւերեց Բաղք եւ Աղահէջ գաւառները: Ամորիայի առումն յիշելուց յետոյ Վարդանը յիշում է որ Աբլճերթումն, մեզ յայտնի Ջահապի տանից, գնաց չորս հազար մարդով Սիւնեաց վրայ, բայց նրա դէմ ելաւ Բարդէն Սիւնի եւ եւ ջարդեց նրան ունենալով իր ձեռքի տակ ընդամէնը երկու հարիւր հոգի:

Արդեօք կապ կա՞յ այս երկու յարձակումների մէջ:

Իսկական խռովութիւնները սկսան Վաղիկի յաջորդի գահակալութեամբ եւ տեւեցին զբեթէ մի տասնեակ տարի սկսած 849 թուից:

V

Վաղիկից յետոյ գահը բարձրացաւ նրա եղբայրը Մուտավաքիլ, որի անունը Ջաֆար էր, ուստի եւ մեր հեղինակների մօտ յայտնի

է Ջաֆր անունով (847-861): Մեծ յաւակնութիւնների տէր էր, ուզում էր վերականգնել խալիֆների զօրութիւնը, ձգտում էր նախկին մեծութեան եւ փառքի, երբ փառքն արդէն խուսափում էր:

Հայաստանի անցքերը արդեօք արդիւնք էին նրա ծրագրային քաղաքականութեան եւ նպատակն էր վերահաստատել պետական հեղինակութիւնը ըմբոստ եւ անհնազանդ իշխանների աչքում, թէ՛ խռովութեանց մերձաւոր առիթը հէնց իրենք իշխաններն էին իրենց անջատական ձգտումներով:

Մեր պատմագիրները միշտ խուսափում են ապստամբական շարժումները անուանել իրենց անունով եւ տքնում են գունաւորել իրենց սեփական հասկացողութեան եւ աշխարհայեցողութեան համեմատ: Սակայն, երբեմնակի սկիւմայից խոստովանում են ճշմարտութիւնը:

Թովմա Արծրունին հաւատացնում է որ Մուտավաքիլը սիրում էր խռովութիւն եւ արիւնհեղութիւն. եւ հանապազ որոնում էր թէ որ կողմը եւ կամ ում վրայ թափէ «զդառնութիւն մահարեթ թունից իւրոց»: Վճռում է յարձակուել հայերի վրայ: Նրա կողմից եկած ոստիկանը որպէս թէ զաղանի պատուէր ունէր «պատիր խարէութեամբ բառնալ զնոսա (այսինքն զիշխանս) յիւրաքանչիւր տէրութեանէ»:

Միւս կողմից՝ նոյն պատմագիրը չի թաղցրնում, որ խալիֆը ինքն էր մեղադրում հայերին, որ հակառակ բոլոր խնամքի եւ հոգացողութեան միշտ թշնամարար են վերաբերում արարական իշխանութեան եւ նրա պաշտօնութեան «զօրս զուժարէիք, յանդիմանում է ամիրապետը, այլուձի կազմէիք, մարտս եւ պատերազմունս զբոսէիք, ճակատ դնէիք եւ զզօրս մեր ի սատակումն սրոյ մատնէիք: Եւ զպզատոճմ մեր ընդ մեծ նեղութեամբ պաշարէիք եւ աշխարհի աւերիչի գտանէիք եւ հարկացն եղելով խափանիչք լինէիք» (Թովմա, էջ 174):

Որ այս խօսքերը սոսկ զրպարտութիւն չեն, երեւում է Թովմայի պատմութեանց, եթէ մի կողմ նեւեղք նրա պատճառաբանութիւնը եւ հետեւեղք իրադարձութեան: